

*subsalis, blandis, minimè corrodentibus, volatilitate sum-
mâ præditis particulis amicissimè sociata, & affuso Nitro a-
liove acido Spiritu effervescentem evagylus omnis causam exi-
stere. Diff. Inaug. de Therm. Fabar. 1704. habit. Thef. 17. 19.*
Quomodo verò exin probari possint effectus Aquæ Favaria-
næ suprâ deprædicati, non video. Pergo interim ad alia,
quæ circa Thermas hæc in omni Regno Naturæ offendi, &
primùm quidem, quæ de Aquæductuum miro τεχνήματι tum
observavi, tum delineavi.

TAB. I. Exhibet TAB. I. Aquæductuum & Ponticorum extre-
mos ab *A.* ad *B.* & *C.* terminos, cum vicinarum Petrarum,
quæ è regione domûs sunt, prospectu, & Taminæ Torren-
tis *O.* spumante decursu. Ad *B.* effluit Aqua à Potatoribus
pro lubitu haurienda. Ad *C.* influit in Balneatoria. Ad *A.*
pergit Aquæ Canalis per Saxorum anfractus, ad ipsos Petra-
rum Parietes veluti pensilis.

TAB. II. TAB. II. sistit Scenographiam ipsius Domûs, prouti ex
Tab. I. ponticulo. Liter. *D.* notato visitur, ubi *S.* exhibet
Meridionalem ipsius Habitaculi, in quinque Contignationes
distincti, faciem: Prima, & suprema, ex his Contignationi-
bus vocatur *Der obere Boden*; secunda *Der Capellen Boden*,
quòd ibi Sacra sua peragere soleant Pontificii; tertia *Der
Kuchen Boden*, à Culinæ præsentia; quarta *Der Laternen
Boden*, quòd ibi Lanterna de nocte accendi soleat; ultima *Der
Bettler Boden*, ubi Mendicantes, aliique ex fæce Populi ho-
mines locari solent. *T.* ostendit Porticum, *Die Trincklaube*,
ubi Potatores & Potatrices deambulare solent. *V.* Culinam
pauperibus destinam, *die Bettler Kuche*. *W.* Locum, ubi
Calycibus infunditur, & hauritur Lympha. *X.* Porticui ambu-
latoriæ subjecta Balnea, pro virili Sexu unum, pro sequiori
alterum. *Z.* Denique Latrinas quinque serie, justâ invicem
positas. *C.* Situm Ponticuli, qui Januâ *c.* clauditur, & Aquæ-
ductûs adjacentis, utriusque etiam substructiones Saxi in-
nixas. *E. E.* petrosas Montium vicinorum moles. *F.* Tamin-
næ Torrentis defluxum. *A. B. C.* Aquæductuum & Ponticu-
lorum ultimum progressum, in *Tab. I.* plenius conspicuum.

TAB. III. Delineat Aquæductûs ad interiora progressum,
ubi,